



### CONCELLOS

#### CASTROVERDE

##### *Anuncio*

#### **BASES DO I CONCURSO DE TAPAS - CASTROVERDE 2023**

##### **PRIMEIRA.- OBXECTIVOS E PERÍODO DO CONCURSO:**

O obxectivo deste concurso é o de fomentar o consumo, dinamizar o sector e poñer en valor a oferta gastronómica no noso concello.

Este concurso de tapas terá lugar o **venres 3 e o sábado 4 de marzo de 2023** en **horario de 20:30 horas a 23:00 horas**.

##### **SEGUNDA.- PARTICIPANTES:**

Neste concurso poderán participar todos aqueles establecementos hostaleiros do concello de Castroverde.

Para poder levalo a cabo deberá haber un mínimo de 4 establecementos participantes.

A inscrición neste concurso implica a aceptación destas bases.

##### **TERCEIRA.- INSCRICIÓN:**

Os establecementos interesados en participar deberán presentar a seguinte documentación nun **prazo de 5 días hábiles** dende a publicación destas bases no Boletín Oficial da Provincia:

- Anexo I (solicitude) destas bases debidamente cuberto.

##### **CUARTA.- REQUISITOS DE PARTICIPACIÓN:**

- Cada establecemento participará cunha única tapa.
- As tapas deberán estar dispoñibles para o público os días e horarios establecidos na base primeira.
- O prezo de venta ao público de cada tapa terá un valor que oscilará entre os 3 € e os 4 €.
- O concello de Castroverde entregará a cada participante antes do primeiro día de comezo do concurso unha urna e folletos para que os clientes poidan emitir o seu voto, que colocarán nun lugar visible.
- O incumprimento dos anteriores requisitos suporá a descualificación do establecemento.

##### **QUINTA.- VOTACIÓN:**

En todos os establecementos participantes haberá folletos de votación para os clientes que estean interesados en participar no concurso, nestes folletos aparecerá o cartel anunciador do concurso, o plano da ruta cos establecementos participantes, varios recadros onde aparecerán os nomes de todos os establecementos que participan (este espazo estará reservado aos hostaleiros, deberá ser selado por eles no momento de servir a tapa do concurso, debendo cada establecemento selar só no recadro que lle corresponda).

Outra das partes do folleto estará reservada aos clientes, onde deberán cubrir os seus datos e indicar a que establecemento lle dan a súa respectiva puntuación (só se votarán as 3 mellores tapas con 3, 2 e 1 punto, sendo 3 puntos a maior puntuación e 1 punto a menor) tamén aparecerán as instrucións de votación e os premios aos que optan os clientes.

O prazo para votar, é dicir, para depositar o folleto en urna remata o último día do concurso, é dicir, o sábado día 4 de marzo.

**IMPORTANTE: os clientes para poder votar e participar nos sorteos dos premios será necesario que teñan o seu folleto selado por todos os establecementos participantes no concurso (de non ser así considerarase voto nulo polo que non contará a súa puntuación nin optarán ó sorteo dos premios).**

**SEXTA.- PREMIOS PARA OS ESTABLECEMENTOS COMERCIAIS PARTICIPANTES:**

Establécense **3 premios ás mellores tapas** para aqueles establecementos que acaden maior puntuación por parte dos clientes consumidores.

Estes premios consistirán nun diploma acreditativo para que coloquen no seu establecemento e no que se fará constar o posto no que quedaron podendo ser: **1º, 2º ou 3º posto.**

**SÉTIMA.- PREMIOS PARA O PÚBLICO CONSUMIDOR:**

Establécense tres premios en total (obrigatorio ter os selos de todos os establecementos participantes, de non ser así non entrarán no sorteo):

**1º Premio:** un vale de compra por valor de **300 €** a utilizar en calquera establecemento comercial de Castroverde.

**2º Premio:** un vale de compra por valor de **200 €** a utilizar en calquera establecemento comercial de Castroverde.

**3º Premio:** un vale de compra por valor de **100 €** a utilizar en calquera establecemento comercial de Castroverde.

**OITAVA.-ELECCIÓN DOS GAÑADORES:**

Unha vez rematado o período do concurso a organización (formada por varias persoas traballadoras do concello) irán recoller as urnas a cada un dos establecementos participantes para depositalas na casa consistorial. A organización comunicará a través da web e do facebook do concello o día e hora na que se procederá a desprecintalas para poder facer de forma pública o recuento de votos e ver que establecementos son os que obtiveron maior puntuación.

Unha vez se saiban cales son os gañadores dos establecementos o persoal da organización xuntará novamente nunha soa urna todos os folletos para facer un sorteo ao azar onde se descubrirán cales son aquelas persoas do público consumidor premiadas co 1º, 2º e 3º premio (o folleto que se saque no primeiro sorteo que se faga levará o primeiro premio e así sucesivamente).

Tanto o nome dos tres gañadores dos premios do público coma o dos establecementos hostaleiros que quedan en 1º, 2º e 3º posto será publicado na web e no facebook do concello así como tamén na prensa. Estes gañadores tamén serán avisados por vía telefónica para citalos na casa consistorial para recoller o premio obtido (vale ou diploma acreditativo dependendo do caso).

**NOVENA.- PROTECCIÓN DE DATOS**

De acordo co establecido no Regulamento UE 2016/679 de Protección de Datos Persoais (RGPD), informámoslle que o responsable do tratamento dos seus datos persoais á hora de inscribirse neste concurso é o Concello de Castroverde con dirección en Praza do Concello, nº 2, CP 27120, Castroverde. (Lugo). Os datos persoais serán empregados para a correcta xestión do I Concurso de Tapas – Castroverde 2023 organizados polo Concello (publicación de imaxes e nome e apelidos dos gañadores, tanto na web como no facebook do concello). Os seus datos persoais non se cederán, salvo que exista una obriga legal para elo. Vostede ten dereito a acceder, rectificar ou suprimir os seus datos, así como outros dereitos,, tal e como se explica na información adicional e detallada de protección de datos, que pode consultar na oficina da entidade sita na dirección arriba indicada ou ben solicitándoa a través da sede electrónica do Concello: <https://concellocastroverde.sedelectronica.es/info.0>

**ANEXO I****SOLICITUDE DE INSCRICIÓN DE ESTABLECEMENTO PARTICIPANTE**  
**I CONCURSO DE TAPAS-CASTROVERDE 2023**

Don/a.....con DNI.....  
domicilio.....  
e telefono/s.....  
titular do establecemento hostaleiro.....  
pertencente ó concello de Castroverde,

- Solicito participar no "I CONCURSO DE TAPAS - CASTROVERDE 2023 coa seguinte tapa (nome oficial da tapa coa que participo no concurso):

.....

- Así mesmo autorizo ó Concello de Castroverde a:

Publicar o nome da tapa coa que participo no concurso xunto co nome do meu establecemento e no o caso de ser gañador/a dalgún premio á publicación do meu nome e apelidos e da miña imaxe na entrega do mesmo todo isto tanto na web como no perfil de facebook do Concello de Castroverde.

Acepto tamén todo o establecido nas bases deste certame.

(\*será necesario marcar os dous recadros anteriores para participar no concurso)

Castroverde.....de.....de 20....

Asdo.:.....

**SR. ALCALDE PRESIDENTE DO CONCELLO DE CASTROVERDE**

Castroverde, 2 de xaneiro de 2023.- A Concelleira Delegada de cultura, deportes, educación e xuventude, María del Pilar Ferreiro Villar.

R. 0001

### *Anuncio*

#### **BASES CONCURSO DE DISFRACES DO CONCELLO DE CASTROVERDE ENTROIDO 2023**

**PRIMEIRA.-** O Concello de Castroverde organiza o desfile e o concurso de disfraces con motivo do Entroido 2023 que terá lugar o vindeiro domingo día 19 de febreiro. O desfile realizarase cun pasarrúas ás 17:00 horas saíndo da praza do Concello ata o pavillón municipal “A Ferrería”. No caso de que fixera mal tempo suspenderase o pasarrúas e realizaríase o desfile directamente no pavillón.

**SEGUNDA.-** O concurso de disfraces realizarase no pavillón municipal a partir das 17:30 horas (despois do pasarrúas). Haberá concurso infantil e concurso de adultos, habendo 3 categorías en cada concurso e distintos premios en cada categoría, sendo estes os seguintes:

#### **PREMIOS XERAIS**

##### **CONCURSO INFANTIL:**

**Categoría comparsa:** 1º premio: 400 €, 2º premio: 200 €, 3º premio: 100 €, 4º premio: 70 €, 5º premio: 50 €

**Categoría parellas:** 1º premio: 100 €, 2º premio: 60 €, 3º premio: 50 €

**Categoría individual:** 1º premio: 80 €, 2º premio: 50 €, 3º premio: 40 €

##### **CONCURSO DE ADULTOS:**

**Categoría comparsa:** 1º premio: 500 €, 2º premio: 350 €, 3º premio: 200 €, 4º premio: 130 €, 5º premio: 90 €

**Categoría parellas:** 1º premio: 140 €, 2º premio: 100 €, 3º premio: 70 €

**Categoría individual:** 1º premio: 100 €, 2º premio: 70 €, 3º premio: 50 €

#### **PREMIOS ESPECIAIS**

Os premios especiais **só se darán cando o xurado así o considere e soamente terán a posibilidade de obtelos os concursantes que pertencen ó Concello de Castroverde**, sempre e cando non foran agraciados con algún dos premios xerais. O xurado poderá asignarllos a participantes tanto do concurso infantil como do de adultos:

**Categoría comparsa:** 1º premio: 150 €, 2º premio: 120 €, 3º premio: 60 €

**Categoría parellas:** 1º premio: 80 €, 2º premio: 60 €, 3º premio: 30 €

**Categoría individual:** 1º premio: 50 €, 2º premio: 30 €, 3º premio: 20 €

A contía dos premios anteriores é líquida. O RD 439/2007, de 30 de marzo polo que se aproba o Regulamento do Imposto sobre a Renda das Persoas Físicas, suxeita a retención os premios de contía superior a 300 €. A porcentaxe de retención regulada no artigo 101.7 da Lei 35/2006, de 28 de novembro, do Imposto sobre a Renda das Persoas Físicas, será de 19%.

De acordo co anterior, a contía bruta do primeiro premio xeral do concurso de infantil categoría comparsa será de 476 €. Do mesmo xeito con respecto aos premios xerais do concurso de adultos o primeiro premio da categoría comparsa será de 595 € e o segundo premio será de 416,5 €.

**TERCEIRA.-** Os participantes deberán inscribirse ese mesmo día no pavillón municipal (unha vez finalizado o pasarrúas), deixarse un tempo para realizar as inscricións antes de que comece o concurso.

**O/s participante/s que resulte/n agraciado/s con algún dos premios, unha vez recibido o diploma correspondente deberá/n acudir á mesa do xurado para cubrir unha solicitude, no caso de participar en comparsa ou parellas será cuberto por un dos participantes que será o que represente a todos, no caso de que sexan todos menores de idade será cuberto por un dos pais/nais ou titores e no caso de participar individualmente o mesmo. A persoa representante que cubra esta solicitude deberá aportar tamén nese momento unha certificación bancaria indicando o número de conta no que desexa que se lle ingrese o premio obtido.**

**CUARTA.-** Enténdese por comparsa aqueles grupos formados por 3 ou mais persoas, 2 persoas enténdese

parellas e 1 individual. (Referímonos a persoas que vaian disfrazadas, xa que por exemplo no caso de que algún neno/a pequeno/a queira participar na categoría de individual e teña que ir acompañado de algún adulto, só poderá ir disfrazado o neno, xa que se fora tamén o adulto o xurado entenderá que están participando na categoría de parellas).

**QUINTA.-** No concurso infantil participarán aquelas persoas de idade menor ou igual a 16 anos. No concurso de adultos participarán todas aquelas persoas maiores a 16 anos.

**SEXTA.-** Se nunha comparsa participan persoas menores e maiores de 16 anos (mixtas), deberán presentarse ó concurso que corresponda segundo sexa a maioría dos seus participantes (metade mais un), é dicir, por exemplo: se unha comparsa a forman 10 persoas e 6 delas son persoas menores de 16 anos deberán presentarse ó concurso infantil, e no caso de que das 10 persoas 6 delas foran maiores de 16 anos deberán presentarse no concurso de adultos e así respectivamente. No caso de empate, é dicir, que nunha categoría existira o mesmo número de persoas maiores e menores de 16 anos poderán inscribirse no concurso que eles decidan, é dicir ou ben no infantil ou no de adultos.

No caso da categoría de parellas utilizarase o mesmo método que o anterior.

**SÉTIMA.-** O xurado do concurso estará formado por varias persoas que serán as que se encarguen de valorar cada unha das categorías de ambos concursos. Unha vez finalicen os concursos ó xurado daráselle un tempo para sumar todas as puntuacións e asignar un gañador a cada premio.

O fallo do xurado será inapelable e poderá declarar deserto algún dos premios, ben por falta de participantes ou porque a calidade dos mesmos non o merece.

**OITAVA.-** Os criterios de valoración serán os seguintes:

- Orixinalidade e creatividade dos disfraces e/ou carrozas (de 1 a 10 puntos)
- Simpatía (de 1 a 10 puntos)
- Traballo realizado para a confección dos traxes e/ou carrozas (de 1 a 10 puntos)
- Posta en escena (de 1 a 10 puntos)

**NOVENA.-** Comezarse primeiramente co concurso infantil e logo co de adultos, o/a presentador/a do concurso irá chamando un por un a cada un dos participantes para que desfilen por diante do xurado e realicen o espectáculo que desexen. Se calquera dos participantes solicita que se lles poña un audio concreto no momento da súa actuación deberán entregalo no momento da inscrición no concurso debendo ser en soporte PEN-DRIVE e en formato MP3 (**en cada soporte deberá ir unha única canción**).

**A duración máxima de actuación de cada un dos participantes será de 6 minutos.**

Unha vez finalice o concurso os participantes poderán pedir ós organizadores que lles entreguen os seus correspondentes soportes de audio.

Aquelas persoas que non aporten ningún audio para reproducir durante a súa actuación poñeráselles unha canción aleatoria da que dispoña nese momento a organización.

**DÉCIMA.-** Os gañadores do concurso recibirán ese mesmo día un diploma que indicará o premio obtido. O importe do premio será ingresado nos días seguintes ao concurso a través de transferencia bancaria no número de conta aportado. **O representante de cada disfrace gañador despois de recibir o diploma correspondente deberá acudir á mesa do xurado para cubrir unha solicitude e aportar certificación do número de conta onde quere que se lle faga o ingreso.** No caso dos premios infantís esta solicitude será cuberta e asinada polo pai/nai ou titor/a.

**DÉCIMA PRIMEIRA.- Medidas para o acceso ao lugar onde se celebrará o concurso**

As medidas da porta da entrada do pavillón municipal son as seguintes: **2 m de alto x 2,16 m de ancho.**

**DÉCIMA SEGUNDA.- Autorización do dereito de uso da imaxe**

Todos os participantes polo feito de inscribirse e participar nestes concursos, autorizan ó Concello de Castroverde a realizar e utilizar as fotografías e vídeos tomados no transcurso dos concursos e facer uso de ditas imaxes de xeito respectuoso e responsable nas súas respectivas tarefas de información e difusión.

**DÉCIMA CUARTA.- Aceptación das bases**

A inscrición neste concurso supón a total aceptación das presentes bases e cada participante responderá sobre a validez dos seus actos, é dicir, o incumprimento dos participantes en calquera dos puntos destas bases exime de responsabilidades ós membros do xurado deste concurso e poderá supoñer, sempre e cando se detecte algún erro, a devolución do premio que houberan recibido indebidamente, podendo aplicarse esta devolución dentro dos 15 días hábiles posteriores ó concurso.

A organización deste evento resérvase o dereito de poder establecer todas as melloras que estimen oportunas en calquera momento para o mellor funcionamento deste concurso.

**DÉCIMA QUINTA.- Protección de datos**

De acordo co establecido no Regulamento UE 2016/679 de Protección de Datos Persoais (RGPD), informámoslle que o responsable do tratamento dos seus datos persoais á hora de inscribirse neste concurso é o Concello de Castroverde con dirección en Praza do Concello, nº 2, CP 27120, Castroverde. (Lugo). Os datos persoais serán

empregados para a correcta xestión do Concurso de disfraces “Entroido 2023” organizados polo Concello. Os seus datos persoais non se cederán, salvo que exista una obriga legal para elo. Vostede ten dereito a acceder, rectificar ou suprimir os seus datos, así como outros dereitos,, tal e como se explica na información adicional e detallada de protección de datos, que pode consultar na oficina da entidade sita na dirección arriba indicada ou ben solicitándoa a través da sede electrónica do Concello: <https://concellocastroverde.sedelectronica.es/info.0>

Castroverde, 2 de xaneiro de 2023.- A Concelleira Delegada de Cultura, Deporte, Educación e Xuventude, M<sup>a</sup> Pilar Ferreiro Villar.

R. 0002

## LUGO

### Anuncio

#### **BANDO**

#### **OCUPACIÓN DO ESPAZO PÚBLICO MEDIANTE A COLOCACIÓN DE TERRAZAS POR PARTE DOS ESTABLECEMENTOS DE HOSTALERÍA DA CIDADE DE LUGO**

A pandemia que recentemente vivimos e que semella estamos a piques de deixar atrás golpeou con forza a todos os eidos da economía, aínda que algúns sectores teñen soportado máis que outros os efectos da covid-19. Un exemplo claro é o da hostalería, que atravesou a peor crise de toda a súa historia, co peche de moitos establecementos e perdas millonarias dende a aparición da pandemia, segundo datos do propio sector.

Pasados unhos meses desde o confinamento e cada vez con maior confianza e seguridade polo control da epidemia, a xente volveu a socializar e recuperou a ilusión por saír e reencontrarse con familiares e amigos, para o que os locais de hostalería constitúen elemento esencial nas nosas costumes. Dese xeito, os niveis de consumo fora do fogar acercábanse xa a finais de 2021 aos que había antes da irrupción do coronavirus, tendencia mantida ao longo do 2022 e que resulta clave para a reactivación económica dun sector que, a nivel nacional, pero significadamente a nivel local, constitúe peza clave da nosa economía.

Os efectos tráxicos da pandemia tivéronse contido en maior medida na nosa cidade, onde o Concello ten apoiado dende o mesmo momento do seu inicio aos profesionais do sector, a través de distintas medidas, unhas destinadas a paliar o efecto inmediato da crise, coa activación dun importe de axudas directas sen precedentes; outras dirixidas a reforzar a súa formación e transformación dixitais e tamén aquelas enfocadas a poñer, nos límites legais, o espazo público a disposición do mantemento económico da cidade.

Así, mediante bandos da Alcaldía deste Concello ofrécese aos titulares dos establecementos de hostalería situados na cidade, a posibilidade de incrementar a superficie destinada a terraza ou a instalar a mesma para o que poderían facer uso do espazo público existente nos termos que o propio bando sinalaba e sempre de xeito que adoptasen as medidas de delimitación do espazo ocupado que garantiran a seguridade dos usuarios e viandantes e a accesibilidade sen que fose necesario máis trámite que a comunicación da ampliación ou instalación da terraza. Esa medida, vixente a día de hoxe, revelouse decisiva para dar un pouco de alivio e apoio ao sector nun momento tan complicado.

A vista está que ditas medidas resultaron efectivas e permitiron o mantemento dun sector que tanto forma parte da nosa vida cotiá. E indubidable que as tendencias ao consumo no exterior viñeron para quedarse e que os novos hábitos de consumo fan imprescindible a elaboración dunha nova normativa, actualmente en fase de tramitación, que se adapte á realidade social que nos tocará vivir de aquí en diante e conxugue axeitadamente a subsistencia económica neste eido, as novas costumes de consumo e o imprescindible uso dos espazos públicos polo común dos cidadáns. Tamén semella evidente que mentras dita normativa non se culmina, podería ter un efecto pernicioso sobre a recuperación económica da hostalería o drástico levantamento de medidas que tiveron funcionado con éxito, botando ao traste os esforzos acadados ata este momento. Por todo elo,

**Primeiro.-** Ofrécese aos titulares dos establecementos de hostalería situados na cidade de Lugo a posibilidade de manter a superficie que actualmente teñan destinada a terraza facendo uso do espazo público existente nos termos recollidos no Bando desta Alcaldía de 20 de maio de 2020 e publicado no BOP nº 116 de 22.05.2020. En todo caso, o mantemento das terrazas instaladas estarán supeditadas a que en ningún momento entorpezcan o común disfrute dos espazos públicos por parte de todos os cidadáns.

**Segundo.-** A presente medida ten carácter excepcional e temporal e manterase en vigor mentras non teña lugar a aprobación da normativa reguladora da ocupación do espazo público con este tipo de instalacións e, en todo caso, nunca máis aló do 31.12.2023.

**Terceiro.-** Todas as ampliacións e novas instalacións de terrazas que se tiveran realizado ao abeiro do Bando extraordinario da Alcaldía de 20 de maio de 2020 (BOP do 22 de maio) e as súas sucesivas prórrogas e fagan uso do presente para o seu mantemento terán carácter provisional e excepcional, podendo permanecer ata a data na que perda vixencia a medida que neste bando se contemplan.

**Cuarto.-** Esta medida de urxencia, excepcional e temporal publicárase no Taboleiro de Edictos e no Boletín oficial da provincia e terá vixencia dende o 01.01.2023 ata a data de publicación da ordenanza reguladora do uso do espazo público ou, no seu defecto, como máximo ata o 31.12.2023.

Lugo, 30 de decembro de 2022.- A Alcaldesa, Lara Méndez López.

R. 005

## MONFORTE DE LEMOS

### *Anuncio*

No Boletín Oficial da Provincia de Lugo Nº 281, de 10 de decembro do 2022 publicáronse as bases e convocatoria do proceso selectivo, como persoal laboral fixo, mediante concurso-proceso estabilización, do posto de EDUCADOR/A SOCIAL DO CONCELLO DE MONFORTE DE LEMOS.

Na Xunta de Goberno Local de data 02.01.22 acordouse a corrección de erro de transcripción do citado proceso selectivo.

Así onde dí:

No punto II. Requisitos dos/das aspirantes di :

e) Posuír o título de grao ou diplomatura en educación social. Certificación negativa do Rexistro Central de delinquentes sexuais.

.Deberá dicir:

e) Posuír o título de grao ou diplomatura en educación social ou título que habilite para ao exercicio desta profesión.

Monforte de Lemos, 3 de xaneiro de 2022.- O alcalde, José Tomé Roca.

R. 0006

## PORTOMARÍN

### *Anuncio*

Trámite de información pública da Conta Xeral

**Documento:** Conta Xeral do Orzamento exercicio 2021.

**Resolución:** Acordo da Comisión Especial de Contas do 30/12/2022.

**Obxecto:** Consulta e presentación de alegacións polos interesados lexítimos.

**Prazo:** 15 días a contar desde o seguinte ao da publicación no BOP Lugo.

**Efectos:** Informadas as eventuais reclamacións someterase a Conta Xeral á aprobación do Pleno.

**Normativa invocada:** O artigo 116 da Lei 7/1985, de 2 de abril, Reguladora das Bases do Réxime Local e no artigo 212 do Texto Refundido da Lei Reguladora das Facendas Locais aprobado por Real Decreto Legislativo 2/2004, de 5 de marzo.

Portomarín, 2 de xaneiro de 2022. - O Alcalde, Pablo Rivas Folgueira.

R. 0003

## MINISTERIO PARA A TRANSICIÓN ECOLÓXICA E O RETO DEMOGRÁFICO

### CONFEDERACIÓN HIDROGRÁFICA DO MIÑO-SIL, O.A. COMISARÍA DE AUGAS

### *Anuncio*

#### INFORMACIÓN PÚBLICA

A/27/28131

La Consellería do Medio Rural-Servizo de Prevención e Defensa contra incendios Forestais solicita la concesión de un aproveitamiento de 46,32 m<sup>3</sup> de agua procedente del arroyo de Lamaboa, en el lugar de Vilamaior, parroquia de Adai (Santa María Madanela), en el término municipal de Lugo para extinción de incendios.

La captación se realiza en el arroyo de Lamaboa mediante la ejecución de una escollera de 0,5 m de alto, 0,5 m de largo y 0,4 m de ancho. Desde aquí las aguas son conducidas a través de tubería de PVC al depósito de extinción de incendios.

Lo que se hace público para general conocimiento por un plazo de TREINTA DÍAS, contados a partir del siguiente a la fecha de publicación del presente anuncio en el Boletín Oficial de la provincia de Lugo, a fin de que los que se consideren perjudicados con lo solicitado, puedan presentar sus reclamaciones, durante el indicado plazo, en el Ayuntamiento de Lugo, o en las oficinas de la Confederación Hidrográfica del Miño-Sil, O.A., sitas en Lugo, Ronda de la Muralla, 131-2ª planta, donde estará de manifiesto el expediente.

Lugo, 8 de junio de 2022.- EL COMISARIO ADJUNTO, Alberto de Anta Montero.

R. 0004

---